



## amul kenn kuy def bâkkaar, jug daal di laab, daal di julli, daal di jéggalu Yàlla, lu dul ne Yàlla dina ko jéggal

Jële nañu ci Aliyun mu wax ne: man góor laa woon gog bu ma déggee ci Yonnente bi -yal na ko Yàlla dolli xéewal ak mucc- benn hadiis rekk Yàlla jariñ ma ci lu ko soob, bu ma kenn ci ay Sahaabaam waxee dara bama giñloo ko bu ma giñalee ma dëggal ko, Abuu Bakar wax na ma te wax na dëgg, ne: dégg na Yonnente Yàlla bi -yal na ko Yàlla dolli xéewal ak mucc- mu wax ne: «amul kenn kuy def bâkkaar, jug daal di laab, daal di julli, daal di jéggalu Yàlla, lu dul ne Yàlla dina ko jéggal», mu daal di jàng aaya jii: {ak ña nga xam ne bu ñu defee ñaawteef mbaa ñu tooñ seen bopp dañuy tudd Yàlla daal di jéggalu seen bâkkaar} [Aali-Imraan: 135].

[Wér na] [Abóo Daawuda soloo na ko, ak At-tirmisiy, ak An-nasaa'iy ca Al-kubraa, ak Ibnu Maaja, ak Ahmat]

Yonnente bi -yal na ko Yàlla dolli xéewal ak mucc- dafa xamle ne amul benn jaam buy def bâkkaar, daal di rafetal am njàppam, topp mu jug julli ñaari ràkka yeene ca tuub bâkkaaram bii, topp mu jéggalu Yàlla, lu dul ne Yàlla dana ko jéggal. Yonnente bi -yal na ko Yàlla dolli xéewal ak mucc- daal di jàng waxu Yàlla ji: {ak ña nga xam ne bu ñu defee ñaawteef mbaa ñu tooñ seen bopp dañuy tudd Yàlla daal di jéggalu seen bâkkaar ana kan mooy jéggale bâkkaar yi ku dul Yàlla te duñu nuur ca la ñu defoon fekk ne xam nañu ko} [Aali-Imraan: 135].

<https://sunnah.global/hadeeth/wo/show/65063>